

# MEZU MAGGJU IN CÓRU EDIZIONI LA DI NÓI (IX)

ABBOIU DI MÙSICA FOLK

LA DÌ 18 DI MAGGJU, IN DUMÌNICA,  
A L'OTTU DI SÉRA (H.20:00) LLA GJÉSGIA DI  
SANTU SIMPIGGJU IN TARRANÓA.

ARAN'A CANTÀ LI CÓRIS:

- OLBIA FOLK ENSEMBLE (TARRANÓA)
- S'ISPERA (OLLOLLAI)
- SANTA LUCHIA (SINISCOLA)
- SANTA NOSTASIA (BUDDUSÒ)

APPUSTATU DA: OLBIA FOLK ENSEMBLE

PRESENTARÀ: DANIELA ASTARA



# IX RASSEGNA

CONCERTO CORALE MUSICA POPOLARE

MESU MAJU IN CORO 2025


BASILICA SAN SIMPLICIO  
18 MAGGIO – ORE 20:00

PRESENTA \_\_\_\_\_ Daniela Astara  
DIREZIONE ARTISTICA \_\_\_\_\_ Olbia Folk Ensemble

Coro

SANTA NOSTASIA

di BUDDUSÒ



# SANTA NOSTASIA DI BUDDUSÒ

---

Lu Còru Santa Nostasia di Buddusò nasci illu 1985 grazi a la passioni di amichi chi vulisi abbrì l'associazioni pal mezu di l'aggjutu di lu mastro d'Oziéri Mariu Colóru.

Cun tuttu chi sò cumbinati tanti intoppi, à sigutu a pultà addananzi la só' attivitai guasi chena filmassi pa' 40 anni e celti sócci fundadóri ni fàcini ancóra palti insembi a li sócci ciòani chi si sò aggiunti ill'anni.

Abali, lu còru è sigutu da lu direttóri Buddusuinu Pétru Marrone chi à datu un altu aggjutu mannu pa' fà criscì lu còru illu cantu dendi una tratta nóa di lu lócu e illu mattessi tempu pultendi ricchezza illu repertoriu cun canzoni folcloristici e religiosi regionali.

In chist'anni, lu còru è alzatu in palchi 'mpulanti sia di l'isula chi a fóra, a chidd'ala di lu Tirrenu, a ultiméra, da pocu, à cantatu illu santuariu di Santu Lucca in Bologna e in Arcidosso illu 2024.

Infrà di li prémi riciuti, so 'mpulanti li primma prémi illa Biennali di Oziéri illu 1985 cu' la canzona "Sa pitzinnia" (La piccinnia) e cu' "Sa bellesa" (La biddesa) a lu prémiu, lu di tre, di cumpusizioni musicali "Antonia Mesina", fattu in Orgosolo illu 2015.

Lu còru pussédi un repertoriu mannu folcloristicu e religiosu fulmatu da canzoni di la tradizioni musicali buddusuina, nuarésa e regionali.





# IX RASSEGNA

CONCERTO CORALE MUSICA POPOLARE


MESU MAJU IN CORO 2025

BASILICA SAN SIMPLICIO  
18 MAGGIO – ORE 20:00

PRESENTA \_\_\_\_\_ Daniela Astara  
DIREZIONE ARTISTICA \_\_\_\_\_ Olbia Folk Ensemble

Coro

Olbia Folk  
Ensemble



# OLBIA FOLK ENSEMBLE

---

Lu córu Olbia Folk Ensemble nasci grazzi a la passione di cincu amichi pa' lu cantu, pa' lu più chissa salda. Si pó dì chi è un córu bastanti ciòanu, da li só' 16 anni di attivitai, ma li só' cantadóri sò tutti, o guasi, più di 30 anni cantendi; una palti veni da la polifonia classica e una da lu mundu di li córi folk.

Fidéli a li dui linghi di Tarranóa, li cantóri intonani in saldu e in gaddurésu muii da la cunvinzioni chi sia un arricchimentu e no un aé dimancu. L'attivitai di lu córu si faci illu tirrittóriu natiu, ma da li primma tempi à raggjuntu ancóra palchi internazionali in diffarenti paesi europei: pa' chistu lu nommu, sigundu celti, un pocu curiósu pa' un córu saldu.

Infrà di li tanti nuitai digni di mintóu, la prubbicazioni di lu CD intitolatu "Lu Trambucconi" illu mési di Sant'Andria di lu 2014 e lu stavvi dugn'annu a la funzioni di Lu Sgravamentu e ill'altu funzioni di la Chita Santa illa 'jésgia Primaziali di Santu Paolu in Tarranóa. Appiù è promotóri e olganizzadóri di la Rassegna di córi "Mesu Maju in Coro" (Mezu Maggju in Córu), chi si faci illa Basilica di Santu Simpiggju e chi faci palti di l'affistamenti di lu Santu Patronu e di "Nadale in Coro" (Pasca di Natali in Córu) in occasioni di li festi di Pasca di Natali.

Illu mési di Natali di lu 2015 e di lu 2019 lu córu è statu illu Festival di l'Avventu di Bratislava, illa Repubblica Slovacca e, illa sezioni córi folk di lu prémiu, à autu pa' dui 'olti la midadda di pratta (Silver Band). Illu statiali di lu 2016 prubbichiggja lu só' CD, lu di dui, innummatu "S'Indattarai", chi pidda lu nommu da la mattessi canzona di Tony De Rosas, storicu cantanti di Tarranóa, chi illu CD canta la canzona insembi a lu córu.

Illu mési di Santigaini di lu 2017 ricéi ancóra un altu ricunniscimentu, illu 1° Prémio Costa Smeralda: lu córu à riciutu un mintóu speciali com'e palisadóri di li tradizioni e di la cultura salda.

Illu mési d'Austu di lu 2018 à affistatu li 10 anni di attivitai cu' un event u mannu in piazza Santa Gruci in Tarranóa. Da lu cumenciu lu Córu Folk Ensemble è sigutu da lu mastro Cristianu Deriu, di scóla canora osierésa; à midduratu la só' preparazioni cun scóli di direzioni fatti da mintuati musicisti com'e li Mastri Pier Paolo Scattolin, Cristian Gentilini e Micali Napolitano. Appiù di la direzioni, lu mastro Cristianu Deriu faci palti, com'e cantadóri, di lu Córu Polifonicu Schola Cantorum Olbia.



# IX RASSEGNA

CONCERTO CORALE MUSICA POPOLARE

MESU MAJU IN CORO 2025

BASILICA SAN SIMPLICIO  
18 MAGGIO – ORE 20:00

PRESENTA ————— Daniela Astara  
DIREZIONE ARTISTICA ————— Olbia Folk Ensemble

Coro

S'ISPERA

di OLLOLAI



# CÓRU S'ISPERA DI OLLOLAI

---

Lu Córú Polifónico S'Ispera, chi a óggi conta 29 cantadóri, nasci in Ollolai illu 1996 com'e córú parrocchiali e illu 2001 si folma com'e associazioni culturali, prummuendi un repertoriu di canti chi anda da la polifonia classica a lu cantu popolari saldu e internazionali.

Da lu 2017 è sigutu da la mastra Maria Cjara Piras, laureata in pianufolti e in cantu illu Conselvatoriu di Musica "G. P. Da Palestrina" di Castéddu (Cagliari).

Illu sò curriculum, lu córú vanta un beddu repertoriu di musica sacra cun li canti di la Missa Magnificat in latinu, pa' córú mìsciu a cattru bóci, cumposti da la Mastra Maria Cjara Piras e prubbicati ill'omonimu libbru illu 2018.

Lu Córú S'Ispera apposta un abboiu annuali cu' l'eventu "Cantando l'Epifania" (Cantendi li Tre Re), un misciu di tanti bóci isulani, chi si faci in occasioni di Li Tre Re illa Gjésgia patronale di Santu Micali Arcagnulu in Ollolai.

Ill'ultim'anni, lu córú s'è dedicatu a un trabaddu di cilca dendi impoltu a la galitai e l'originalitai di la prupposta musicali. Grazi a la direzioni artistica di la Mastra Maria Cjara Piras sò nati tanti progetti, tra chissi la cumposizioni di canzoni in lingua salda innantu a puisii di autori di Ollollai adattati a córi a cattru bóci mischi di li colónni sonori di filmi d'animazioni mintuati.

Illu mési di Santigaini di lu 2021 lu Córú S'Ispera à riggistratu lu video musicali di la canzona "Istellas e disizzos" (astri e disìci) prubbicatu innantu a lu canali YouTube.





# IX RASSEGNA

CONCERTO CORALE MUSICA POPOLARE

MESU MAJU IN CORO 2025

BASILICA SAN SIMPLICIO

18 MAGGIO – ORE 20:00

PRESENTA \_\_\_\_\_ Daniela Astara

DIREZIONE ARTISTICA \_\_\_\_\_ Olbia Folk Ensemble

Coro

SANTA LUCHIA

di SINISCOLA





# CORO SANTA LUCHIA DI SINISCOLA

Lu córu di l'associazioni culturali "Santa Luchia de Siniscola" (Santa Lucia di Siniscola) è è natu da pocu, ma li só' 20 cantadóri cantani da abbeddu sendi stati in altu associazioni gali pa' anni. Gja da lu 2012 è statu presenti, insembi a altu córi, in abbeddu abboi, sia in Saldigna chi in continenti (Valpusteria; Trentino-Alto Adige), ma ancóra a fóra di l'Italia, in Belgio, a lu Festival di li Regioni.

Lu presidenti di l'associazioni è lu Professóri Tonino Lutz, invece lu córu è sigutu, da la Mastra Grazia Miscera chi à studiatu cantu liricu illu conservatoriu "Luigi Canepa" di Sàssari e s'è laureata in pianufolti. Idda mattessi à sigutu, in mezu a l'alti, lu Córu Montalbo di Siniscola e ancóra abali lu Córu Ortobene di Nùaru.

Lu scoppu di l'associazioni è chissu di prummu la cultura salda in tutti li só' manéri, didichèndisi più e più a lu cantu popolari. Lu còru à un repertoriu di canti di la tradizioni popolari, cumposti pa' lu più da li tanti Mastri di chissa chi si cjama "coralitali di scóla nuarésa", chi à présou pédi ill'anni Cincanta pultendi a aunì li tanti folmi di lu cantu popolari, tandu trattati in Nùaru.

Illu trettu di tempu a ultiméra, lu córu è statu presenti in tanti abboi di cantu; tra chisti la Festa di lu Turista a La Caletta appustatu da la Pro Loco e da lu Cumitatu di Nostra Signora di Fatima (abboiu di canti e baddi tradizionali).

Impulanti ancóra la só' presenzia a l'abboiu inaugurale di lu Festival "A-Mare Santa Lucia", appustatu da la dì 6 a la dì 8 di Capidanni di lu 2024 illa frazioni di Siniscola cussì mattessi innummata, chi à vistu lu córu cantà illa maraigliosa Spiaggja di li Balchi pa' pói cantà pa' li carréri di lu paiséddu.

A ultiméra, è d'ammintà la só' presenzia a la missa di Natali illa Colonia Penali di Mamone; un passaggu di umanitai manna e solidarietai vel di chissi chi, disdicciamenti, no àni pudutu passà la ciurrata di Pasca di Natali cu' la próppia familia e cu' la só' 'jenti.

Lu repertoriu di lu córu è fulmatu da canzoni profani e religiósi e è studiendi canzoni nói chi sò accultu a la cultura di lu lócu e sarani presentati a primma isciuta illu branu.

